



Sigríður Ingvarsdóttir,
héraðsdómari
Kjarrvegi 4
108 Reykjavík.

Reykjavík, 25. ágúst 2011
1108012
6.53

Efni: Skipunarbréf formanns nefndar um rannsókn á aðdraganda og orsökum erfiðleika og falls sparisjóðanna.

Með vísan til ályktunar Alþingis frá 10. júní 2011 um rannsókn á aðdraganda og orsökum erfiðleika og falls sparisjóðanna, ert þú skipuð formaður rannsóknarnefndar sem leita skal sannleikans um aðdraganda og orsök rekstrarerfiðleika og gjaldþrots sparisjóðanna á Íslandi.

Nefndin skal í þessu skyni:

1. Varpa sem skýrustu ljósi á aðdraganda og orsakir rekstrarerfiðleika íslenskra sparisjóða sem leiddu m.a. til gjaldþrots margra þeirra og endurfjármögnunar annarra.
2. Meta starfshætti sparisjóðanna á undanförunum árum og varpa ljósi á hverjar séu helstu orsakir mismunandi árangurs rekstrar þeirra. Meðal annars verði fjármögnun og útlánastefna þeirra skoðuð, eignarhald, aukning stofnfjár, greiðslur arðs, kaup og sala stofnfjár og hlutafélagavæðing þeirra, svo og aðrir þættir sem kunna að skipta máli.
3. Gera úttekt á lagaramma og öðru starfsumhverfi sparisjóðanna og bera saman við starfsumhverfi sambærilegra fjármálafyrirtækja í nágrennalöndunum.
4. Leggja mat á hvort um mistök eða vanrækslu hafi verið að ræða við framkvæmd laga og reglna, eftirlit og endurskoðun hjá sparisjóðunum, hverjir kunni að bera ábyrgð á því og hvernig niðurstöðum eftirlitsaðila var fylgt eftir.
5. Koma með ábendingar og tillögur að breytingum á lögum, reglum, vinnubrögðum og skipulagi opinberrar stjórnýslu sem miða að því að gera sparisjóðum kleift að starfa á þeim samfélagslegu og rekstrarlegu forsendum sem þeir voru stofnaðir á.


6. Gera ráðstafanir til þess að hlutaðeigandi yfirvöld fjalli um mál þar sem grunur leikur á um refsiverða háttsemi eða brot á starfsskyldum og gera jafnframt grein fyrir þeim málum í skýrslu til Alþingis.

Að því marki sem rannsóknarnefndin telur nauðsynlegt skal rannsóknin ná það langt aftur í tímann að varpað verði ljósi á breytingar á lagaumhverfi sparisjóðanna og rekstrarform þeirra sem og ákvarðanir eftirlitsaðila og túlkun þeirra á starfsumhverfi þeirra. Skal nefndin í því ljósi og tilgangs rannsóknarinnar leggja mat á hvaða áhrif framangreind atriði hafi haft á stöðu sparisjóðanna og rekstur almennt og jafnframt með tilliti til þeirra samfélagslegusjónarmiða sem þeir störfuðu eftir. Rannsóknin einskorðast því ekki við aðdraganda falls íslensku bankanna 2008 heldur skal hún einnig taka til tímans eftir falls bankanna þar sem áhrif þess eru enn að koma í ljós.

Um umboð nefndarinnar og viðfangsefni rannsóknarinnar vísast einnig til þingsályktunarinnar. Að öðru leyti starfar rannsóknarnefndin á grundvelli laga nr. 68/2011, um rannsóknarnefndir.

Í nefndinni eru auk þín Tinna Finnbogadóttir hagfræðingur og Bjarni Frímann Karlsson Lektor við viðskipafræðideild Háskóla Íslands.

Samkvæmt þingsályktuninni skal nefndin skila forseta Alþingis skýrslu eigi síðar en 1. júní 2012 um rannsóknina ásamt þeim samantektum og úttektum sem nefndin ákveður að láta vinna í þágu rannsóknarinnar.



Fylgiskjöl:

1. Þingsályktun um rannsókn á aðdraganda og orsökum erfiðleika og falls sparisjóðanna
2. Um starfskjör o.fl.

Um starfskjör o.fl.:

Laun fyrir starfið miðast við heildarlaun héraðsdómara eins og þau eru ákveðin af kjararáði á hverjum tíma að viðbættum 25%. Þegar rannsóknarnefndin hefur skilað Alþingi skýrslu sinni skal vinnuframlag nefndarmanna yfirfarið sérstaklega, m.a. með hliðsjón af orlofstöku. Af launum greiðir Alþingi orlof og önnur lögbundin framlög launagreiðenda.

Með vísan til 3. gr. laga um rannsóknarnefndir er þess óskað að rannsóknarnefndin sendi skrifstofu Alþingis, við fyrsta hentugleika, tillögur sínar um mannafla, sérfræðiaðstoð og aðbúnað sem hún telur nauðsynlegan við rannsóknina.